

Bosna i Hercegovina  
Federacija Bosne i Hercegovine  
**PARLAMENT FEDERACIJE**  
**SARAJEVO**

Broj: 06-02-4-526/22  
Mostar, 04.04.2022.godine

Primijeno: 11-04-2022			
Org. jed.	Broj	Priloga	Vrijednost
05/1	- 02-	83	/22

Bosna i Hercegovina  
Federacija Bosne i Hercegovine  
**PREDSTAVNIČKI DOM PARLAMENTA FEDERACIJE BOSNE I HERCEGOVINE**  
n/p Sanela Klarić

**PREDMET:** Odgovor na zastupničko pitanje, dostavlja se -  
**Veza:** Akt Vlade Federacije Bosne i Hercegovine broj: 03-04-321-10/2022 od  
15.03.2022. godine

Zastupnica u Predstavničkom domu Parlamenta Federacije Bosne i Hercegovine Sanela Klarić na 30. redovnoj sjednici Zastupničkog doma Parlamenta Federacije Bosne i Hercegovine održanoj 09.03.2022 godine, postavila je četiri zastupnička pitanje Vladi Federacije Bosne i Hercegovine

Prvo pitanje glasi:

*Kako je moguće da se rijeka Ribnica i termalni izvori devastiraju, oduzmu i zatrpavaju, bez da su mještani okolnih mjesnih zajednica i građani Kaknja upućeni u problematiku niti je ikada po ovom pitanju organizovana javna rasprava?*

Drugo pitanje glasi:

*Kako je moguće da ZD RMU Kakanj bez okolinske dozvole gradi branu na rijeci Ribnici čime se devastira ova rijeka?*

Treće pitanje glasi:

*Da li su nadležne institucije upoznate sa pomenutim problemom? Šta su nadležne institucije uradile vezano za ovaj problem od 2014. godine?*

Četvrto pitanje glasi:

*Tražimo svu dokumentaciju vezano za pomenuti slučaj ugrožavanja života i zdravlja građana.*

Ovim putem, a u skladu sa članom 116. stav 3. Poslovnika o radu Predstavničkog doma Parlamenta Federacije BiH, dostavljamo odgovor na poslaničko pitanje.

Odgovor na pitanje broj 1.

Prema informacijam sa kojima raspolaže Federalno ministarstvo energije, rudarstva i industrije eksploatacija uglja na PK "Vrtlište" se vrši od 1983. godine, a

planirano odlagalište za jalovinu je odlagalište "Ribnica". S tim u vezi mještani okolnih mjesnih zajednica i građani Kaknja su morali biti upoznati obzirom da se radovi izvode od 80-tih godina pa na ovamo.

Federalno ministarstva energije, rudarstva i industrije je Rješenjem Up/I broj: 06-18-85/11 od 31.05.2011. godine JP Elektroprivreda Bosne i Hercegovine d.d. Sarajevo, ZD Rudnik mrkog uglja "KAKANJ" d.o.o. Kakanj u skladu sa članom 41. Zakona o rudarstvu Federacije BiH produžilo već postojeću važeću dozvolu za površinsku i podzemnu eksploataciju industrijske mineralne sirovine mrkog uglja unutar granica eksploatacionog polja „Kakanj“ na području općine Kakanj, a prema navedenom članu, za produženje dozvole za eksploataciju nije potrebno pribavljanje okolinske dozvole.

Odgovor na pitanje broj 2.

Za izdavanje Okolinskih dokumenata nadležno je Federalno ministarstvo okoliša i turizam. Federalno ministarstvo energije rudarstva i industrije izdaje Rješenja kojima se odobrava izvođenja radova po Glavnom i Dopunskom rudarskom projektu, a sve u skladu sa članom 43. Zakona o rudarstvu Federacije BiH ("Sl. novine Federacije BiH" broj 26/10)

Odgovor na pitanje broj 3.

Za kontrolu izvođenja rudarskih radova nadležna je Federalna rudarska inspekcija, odnosno Federalni rudarsko termo i elektro-energetski inspektorat.

Odgovor na pitanje broj 4.

Kada je upitanja tehnička dokumentacija ovo ministarstvo ne raspolaže sa projektom tehničkom dokumentacijom. Federalno ministarstvo energije rudarstva i industrije raspolaže samo sa dokumentacijom tipa Rješenja kojima se odobrava izvođenja radova po Glavnom i Dopunskim rudarskim projektima.

S poštovanjem,



**DOSTAVLJENO:**

- Predstavničkom domu Parlamenta Federacije Bosne i Hercegovine – Sanela Klarić,
- Generalnom sekretarijatu Vlade Federacije BiH (na znanje)
- Uredu sekretara Predstavničkog doma Parlamenta Federacije BiH (na znanje)
- evidenciji
- a/a